

## न्हापांगु विश्व नेवा: सम्मेलन

छगू दशक स्वयां न्हयः शुरु जूगु छगू म्हगसं थुगुसी मूर्त रूप कायेत्यंगु दु - विश्व नेवाः सम्मेलन । थ्वहे कछलाखः तृतियानिसें पंचमितक (अक्टोबर २९ निसें ३१तक) विश्वन्वयंकं थीथी थासय् च्वनाचर्चापिं नेवाःत लण्डनय् मुनेत्यंगु दु । थुगु मुना भी सकलें नेवाःतय् लागि लसता खःसा थुकिया न्हयःने यक्व हाथ्या नं दनाच्वंगु दु ।

नेपालं पिने च्वनाचर्चापिं नेवाःतय्सं थः सु व थः गनं वइगु खंयात ल्वःममंकुसं नेपाः दुने च्वनाचर्चापिं नेवाःत, भीगु संस्कृति व मुक्कं नेपालं थःपिंत विउगु पहिचान व नेपाःया इतिहासयात लुमकाः नेपाः व नेवाःतनाप एकवद्ध जुयाः न्ह्याः वनेमाःगु वाःचायेकूगु दु । नेवाःत दुने तःधंगु मानव समाजया हिस्सा जुइगु इच्छाशक्ति नापं नेवाः व समग्र नेपाःया मानव स्वतन्त्रता, आर्थिक सामाजिक पक्षयात च्वन्हाकेत व सांस्कृतिक अले बौद्धिक पक्षया नं विकास यायेगु इच्छा नं नेवाःतय् दुने दु । थज्याःगु थीथी इच्छाशक्ति व आवश्यकताबोधं थनिं भिंछदं न्हयः सन् २००० य् संयुक्त राज्य अमेरिकाया मेरिल्याण्डय् जूगु छगू नेवाःतय् मुनाय् हलिन्यंकंया नेवाःतय्त छगू हे थासय् हयाः नेवाःतय् सामाजिक व सांस्कृतिक सवालयात ज्येकेगु सहमति जूगु खः । उकिया हे लिच्वः कथं थुगुसी विश्व नेवाः सम्मेलनया आह्वान जुल ।

थनिं भिंछदं न्हयः नेवाःतय् आर्थिक सामाजिक अवस्था थौं स्वयां म्हो जक खत-रापूर्ण अवस्थाय् लानाच्वंगु खः । थःगु मां देय् नेपाः दुने च्वनाचर्चापिं नेवाःत व नेवाः संस्कृतिया बारे छुं नं कथंया हाथ्या वःसा हलिन्यंकं च्वनाचर्चापिं नेवाःत छथाय् वयाः नेवाः समुदाय-यात म्वाका तयेगु निरतिं इमिगु संघर्षय् ऐक्य-बद्धता क्यनेगु धकाः उगु इलय् हे मन्तुंगु खः । अथे खयां नं थौतकया अवस्थाय् नेवाःतय् सांस्कृतिक, भाषिक नापं सामाजिक अवस्था तसकं दयनीय अवस्थाय् थ्यनेधुंकूगु खंकेफु । नेवाःतय् राजनीतिक नापं आर्थिक, सामाजिक व सांस्कृतिक अवस्था तसकं ग्यानापुगु अवस्थाय् थ्यंगु दु । सामाजिक-राजनीतिक नेतृत्व तसकं म्हो जुयावंगु दु । न्हापा स्वयां तसकं म्हो जक नेवाःतय् व्यापार-व्यवसाय, सम्पत्ति व छेवुं ल्यं दनि । नेवाःतय् वस्तिइ जूगु अत्यधिक, अव्यवस्थित व इपाधिपां मदयेक जूगु स्थानान्तरणया हुनिं नेवाःतय् सामाजिक व सांस्कृतिक अवस्थायात स्यंका विल ।

खस भाय् स्यंसा अप्वः अवसर दइगु व थःपिनिगु अवस्था बांलाइ धासं नेवाःतय् हरेक छेखापतिकं नेपालभाषाया पलेसा खय् भाय् छयलेगु कथं नेवाःतय् 'ब्रेन वास' जुल । अथेतुं, नेवाःतय् म्हाय् मस्त गैर नेवाःतय्त वियाछवःगु लिच्वः कथं नेवाःतय् छेवुं व सम्पत्ति नं गैर नेवाःतय् ल्हातय् लात । न्हापा सामाजिक व सांस्कृतिक केन्द्र नापं तसकं बांलाःगु धकाः बयवय् जूगु यँ, यल व खप देय् थौकन्हय् अत्यधिक मन्तु बसोवास दुगु क्षेत्र व तसकं प्रदूषित शहर कथं एसिया महाद्वीपय् हे नांजाः । थुगु थासय् एकल

### छगू लसता, छगू हाथ्या

बसोवास दुगु थनया आदिवासीत आः थन वसोवास दुपिं कुल जनसंख्याया नीगू प्रतिशतय् कुहां वयाः अत्यमत जाति जुइयुंकल । नेवाःतय् राजनीतिक भविष्य तसकं धाये मफइगु अवस्थाय् लानाच्वंगु दु । थ्व दक्वया हुनिं नेवाःत व्यापारी, उद्योगपति, प्रतिभाशाली व तसकं सोभा, सह यायेफुपिं, आत्मीय मन्तु जूगुलिं हे खः ।

नेवाःत थःगु हे क्षमता व सफलताया शिकार जूगु खः वा आः जुयाच्वंगु वस्तुस्थिति व तथ्य घटना वाःचायेके मफुगुया हुनिं थथे जुइमाःगु खः थ्व खँय् छक्कः दुवाला स्वयेगु ई थ्यंकः वःगु दु । ख ला थ्व फुक्कं आः शासन यानाचर्चापिं खस ब्रह्मतय् नेवाः विरोधी 'सेन्टिमेन्ट' खः धाःसां छु दुनी मखु । सुनां नेवाःतय्त न्हयःने वनेत व नेवाःतय् संस्कृतियात हरेक कथं पनाच्वंगु दु । अथेहे नेवाःत दुने म्हो जुया वनाच्वंगु सामाजिक एकता व राष्ट्रियताया भावना व थःप्रति हे केन्द्रित जुयाः वनाच्वंगुलिं नं खः । नेवाःतय् राजनीतिक व नागरिक भावना म्हो जूगु हुनिं नं नेवाःत थःगु संस्कृतिपाखें छुके लानाच्वंगु खत । थनया शासकतय्सं नेवाःतय् सफलता, नैतिक अखण्डता व व्यक्तिगत कुशलता, नापं नेवाः एकता, संस्कृति व भाय्यात न्ह्यागु यानाः जूसां स्यंकेगु कुतः यात ।

भिंछदं लिपाया ई हिलेधुंकूगु दु । आःया वास्तविक धरातलय् च्वनाः न्ह्याबलेया निरतिं नेवाःत दथुइ एकता कायम यानाः नेवाः समुदाय व मुक्कं नेपाःया निरतिं छगू अभिष्ट संघर्षया निरतिं छथाय् वयेमाःगु दु ।

#### ■ न्हापांगु विश्व नेवाः सम्मेलन

न्हापांगु विश्व नेवाः सम्मेलन हलिन्यंकं च्वनाचर्चापिं नेवाःतय्त छथाय् हे हयेगु प्रक्रिया न्ह्याकूगु खः । विश्व सम्मेलन जुइत्यंगु हे थुकिया छगू सफलता जुल । छुं हे मजुइगु स्वयां छुं जुइगु बांलाः धाइ तर धातयेया विश्व नेवाः सम्मेलनया सफलता धइगु हलिन्यंकं चर्चापिं नेवाःतय्सं कुहां वनाच्वंगु नेवाःतय् अवस्थायात न्हापं फयाः, मिखा चायेकूगुयात कारयेछिं । नापं अक्क अप्वः नेवाःतय्सं उज्वःगु हे कुहां वनाच्वंगु अवस्थायात अप्वः ध्यान बी धइगु भलसा कायेफु । थुज्वःगु बचनय् कतिबद्ध जुयाः च्वनेत व छगू आजुइ न्ह्याः वनेत आवश्यक पलाः न्ह्याकेमाःगु खनेदु । तसःगु खँ स्वयां पाय्छि कथं याइगु ज्या उपलब्धिपूर्ण जुइ । वःचाधंगु ईया निरतिं जुइगु घोषणा स्वयां ताः ईयात ध्यानय् तयाः बीगु छगू मार्ग निर्देश आवश्यक जू ।

संस्थायात क्वातुक, बल्लाक, स्वस्थ व प्रजातान्त्रिक तरिकां न्ह्याकेत संस्थाया निर्देशक सिद्धान्त बांलाक च्वयेगु तसकं महत्वपूर्ण जू ।

संस्थाय् नेतृत्व याइम्ह मन्तु बौद्धिक, निष्पक्ष व इमान्दार जुइ उलि हे आवश्यक जू । भविष्य दयेकेगु ल्हाः न्हूगु पुस्तायाके दुगुलिं थुगु संस्थां न्हूगु पुस्ताया नेतातय्त जन्म याइ व पुलापिं नेतृत्वतय्सं संरक्षकया भाला क्ववी ।

#### ■ नेवाः दशक ने.स. ११३१ - ने.सं. ११४०

आः वइगु छगू दशकया दुने न्हूगु पुस्ताया नेतात उदय जुइ आवश्यक जू । वंगु २४० दँ निसें जुइ मफयाच्वंगु थुगु आजु पूर्वकेमाःगु खनेदु । थथे जुइ मफयाच्वंगुलिं हे न्हापांगु नेवाः दशक तसकं महत्वपूर्ण जू । भिदंया थुगु योजनायात कार्यान्वयन व लागू यायेमाः । छुं नं योजना बिना उपलब्धीयात मापन याये फइ मखु ।

नेवाःतय् इतिहासय् तःदँ, तःगू दशकय् व आपालं पुस्ता हाकगु इतिहासया साक्षि जुयाः न्ह्याः वनेधुंकल । आः उकिं पिहांवयाः नेवाःतय् दथुइ न्हापा गबले हे मजुगु कथंया छगू न्हूगु उत्साह, उमंग, सकारात्मक विचाः, आत्म विश्वास व उपलब्धीयात नापं ज्वनाः वनेमाः । न्हूगु जोश, जाँगर व बलिदानयात आः वइगु कयौ नेवाः पुस्ताया निरतिं छगू बांलाःगु भविष्य दयेकेगुली छयलेमाः ।

वर्ल्ड नेवाः अर्गनाइजेशन वइगु भिदंया निरतिं नेवाः दशक घोषणा यानाः नेवाःतय् न्हूगु पुस्ताया जीवन बांलाकेत आह्वान यानाच्वंगु दु ।

मन्तुतय्सं न्यनेफु थ्व दशकया अर्थ छु खः ? खःगु खँ धायेगु खःसा, थ्व छगू आह्वान खः, म्हगस, छगू बिचाः खः, भीसं मन्तुने थुकिं छगू सकारात्मक उत्साह व जोश बलकी, गुकिं छगू बिस्कं व बांलाःगु समाज निर्माणय् छगू महत्वपूर्ण पलाः न्ह्याके फइ । भीगु मूवंगु खँ धइगु मन्तुतय् दथुइ चेतना बलकेगु व थःथःम्हेसित ज्ञान बीगु, छगू मंकाः आजुयात पूर्वकेत फुक्कं भीगु शक्ति परिचालन यायेगु हे खः ।

वर्ल्ड नेवाः अर्गनाइजेशन छिकपित भीगु जीवनय् गुणात्मक व मात्रात्मक हिउपाः हयेत भिगु महत्वपूर्ण प्रतिबद्धता व संकल्प यायेत इनाप यानाच्वन । यदि छि, छम्ह व्यक्ति खःसा छि थःथम्ह संकल्प यानादिसँ, छिगु छेजः व पासापित याकादिसँ । यदि छि, छुं संस्था नाप आवद्ध जूसा उकिया भरपूर उपयोग यानाः म्होतिं भिगु संकल्प यानादिसँ । उकिया हे लिच्वः कथं कन्हय्या न्हूपिं नेवाः पुस्ताया मेगू दशक बांलाये फइ ।

वर्ल्ड नेवाः अर्गनाइजेशनया थःगु हे छुं

आजु दु, गुगु संस्थाया विशिष्ट व मेगु समाजप्रति उन्मुख खः । मेगु आपालं दसि दुसां थन छुं छुं न्हयव्वयाच्वनाः

१. संगठनयात विश्व संगठनया कथं नीस्वनेगु व औपचारिकता बीगु ।
२. राष्ट्रिय व क्षेत्रीय नेवाः संगठन दथुइ ऐक्यबद्धता प्वकेगु व एकता यायेगु ।
३. नेपालय् च्वंगु नेवाः नेतृत्वयात भीगु पहिचान, इतिहास, संस्कृति, भाय् व राजनीतिक अधिकार सहितया नेपालमण्डल गठन यायेत हपाः व तिबः बीगु । छगू तःधंगु संघीय नेपाः दुने संघीय राज्य निर्माण यायेगु ।
४. न्हूगु पुस्तायात भावी नेतृत्वया निरतिं आर्विनसं प्रशिक्षण यायेगु ।
५. मात्रात्मक व गुणात्मक आजु : नेवाःतय् संस्कारपाखें तापानाचर्चापिं न्हूगु पुस्तायात थःगु संस्कृति व भाय् प्रति जनचेतना बलकेगु । तनावंगु ईयात हानं न्हूगु पुस्ताय् लित हयेगु ।

- स्थानीय व राष्ट्रिय थासं नेवाः भाय् ल्हाइपिनि ल्याः प्रत्येक दँय् ५ प्रतिशतं अप्वयेकेगु । थुकथं मेगु नीदँ दुने फुक्कं नेवाःतय्सं नेवाः भासं न्ववाये, ब्वने व च्वयेफइ ।

- वइगु भिदं तक हरेक दँय् नेवाः भासं ब्वकेगु छगू न्हूगु उच्च ब्वनेकुथि, प्यंगू माध्यमिक ब्वनेकुथि व भिंखुगु प्राथमिक तहया ब्वनेकुथि दयेके, उकियात आर्थिक ग्वाहालि याये । थुकी नेपाल लिपि स्यनेगु व नेपाल-मण्डल विश्वविद्यालय चायेकेगु नं दुथ्याइ ।

- विश्व नेवाः कोषया पलिस्था - नेवाः समुदाय व संस्कृतिया निरतिं लगानी यायेगु, मेरुदण्डया भूमिका म्हितेगु ।

- योगदान व दायित्व : प्रत्येक नेवाःया थःगु दायित्व दु, थःगु समाजया निरतिं ज्या यायेगु । प्रत्येक नेवाःयात थःगु आम्दानीया छगू प्रतिशत समाज निर्माणया निरतिं ग्वाहालि यायेत इनाप यायेगु । विश्व संगठनया दुजः व समर्थकत छगू प्रतिशत संस्थाया निरतिं ग्वाहालि यायेत तयार ।

- संचारया उपस्थिति : संचारयात प्रत्येक दँय् शत प्रतिशतं अप्वयेकेगु ।

- घाटाया ज्या दिकेगु : नेवाः समुदायय् छेवुं व्यापार लगायतय् जुयाच्वंगु घाटा दिकेगु । विकास योजना दयेकाः व्यापार व उद्योगया स्वामित्व कायेगु व गुथिइ थःगु नियन्त्रण हानं कायम यायेगु ।

- व्यापार विकास - न्हूगु पुस्ताया नेवाःतय्त प्राविधिक, मेडिकल व इन्जिनीयरिडया हवःताः चूलाकेगु ।

थज्याःगु हे थीथी ज्या भी सकलें जानाः यायेमाःगु दु । भी पासापिं न्हापांगु विश्व सम्मेलनयात ताःलाकेत तसकं मेहेनत यानाः लगे जुयाच्वंगु दु । पक्कां नं भीसं उकिया निरतिं भित्तुने । छगू सम्मेलन जक संस्था नीस्वनी मखु, भीगु आजु पूर्वनी मखु । थ्व छगू शुरुवात खः, शुरुवात हे नं छगू उपलब्धि व लसता खः । थ्वया लिपा भीगु न्हयःने यक्व हाथ्यात ल्यं हे दनि । भासँ, विश्वन्वयंकंया भी सकलें नेवाःत मुनाः हाथ्यायात सामना यानाः नेवाःत दक्कं छधी छप्पं जुयाः न्हयज्याये ।





WORLD NEWSH ORGANIZATION

# बहु नवाः अगनाइजेशन

न्हापांगु नेवा: टेलिकन्फरेन्स  
अप्रिल १९, २०१०

प्रस्तावित विश्व नेवा: सम्मेलनया तयारी कथं विश्वया थीथी देशय् च्वनाचर्चापि नेवा: कार्यकर्ता दथुइ छगू हे इलय् टेलिकन्फरेन्स जुल । गुगुं नं नेवा: सरोकारया विषययात कया: विश्वया थीथी देशय् च्वनाचर्चापि नेवा:तय् दथुइ थज्या:गु टेलिकन्फरेन्स जूगु ध्वहे न्हापांखुसी खः ।

थुगु मुँज्याया लागि क्वय् न्हयथना कथंया एजेन्डा क्व:छिना तयागु खः :

१. वर्ल्ड नेवा: अर्गनाइजेशन गठनया निरिति कृतः
२. उलेज्या न्वचु, लिच्व: व सुभावा अले प्रतिक्रिया
३. अर्गनाइजेशन नीस्वनेगु व आधि-कारीकता वीगु व कार्यान्वयन यायेगुबारे सहलह
३. सुभाय् न्वचु व मुँज्याया क्व:छिना व प्रतिबद्धता

कन्फरेन्सय् नेपा: लगायत अमेरिकाया च्यागु राज्य, क्यानाडा, बेलायत, बंगलादेश, सिक्किम, युएई, नेदरल्याण्ड, जर्मनी आदि देशय् चर्चापि स्वीम्ह ति नेवा:तय्सं ब्वति कासें नेवा:तय् वर्तमान समस्या, उकिया समाधान व वर्ल्ड नेवा: अर्गनाइजेशन बारे थ:पनि विचा: प्वकूगु खः ।

ब्वति का:पिं सकसित लसकुस यासें अमे-रिकाया दया शाक्य विश्ववन्धक चर्चापि नेवा:तय् छथाय् हयेगु ता: तया: थ्व ज्याभव: जुयाच्वंगु खँ कनादिल । त्रिभुवन तुलाधर विश्व नेवा: संगठन व नेवा: सम्मेलन यायेगु बारे छगू दशक न्हयबनिसें हे कुत: जुयाच्वंगु खँ कनादिल ।

ज्याभवलय् सिक्किमया कल्पना प्रधान, अष्ट्रेलियाया निलम प्रधानांग, बेलायतया कृष्ण चखुं, सं.रा. अमेरिकाया सुचित्रबहादुर श्रेष्ठ, आदित्यमान श्रेष्ठ, सुभाषराम प्रजापति, विनोद साय्मि, जर्मनीया रहेना श्रेष्ठ, नेदरल्याण्डया डा. बालगोपाल श्रेष्ठ, नेपा:या सुनिता राज-भण्डारी, सं.रा. अमेरिकाया रजत राजभण्डारी, यूएईया प्रमोद श्रेष्ठ लगायत थ:थ:गु विचा: प्वकादीगु खः ।

डा. रोशन श्रेष्ठ सहजकर्ताया भूमिका म्हितादीगु उगु ज्याभवलय् मेगु छुं वा: लिपा हानं थज्या:गु हे कन्फरेन्स यायेगु क्व:छिना: क्वचा:गु खः ।

निक्व:गु नेवा: टेलिकन्फरेन्स  
अगस्ट २१, २०१०

निक्व:गु विश्व नेवा: टेलिकन्फरेन्स विश्व नेवा: संगठनया तदर्थ समिति गठन सहित क्वचा:गु दु । विश्व नेवा: संगठन तयारी समन्वय समितिया कजि दया शाक्य औपचारिक रूपं कन्फरेन्स न्हयाकादीगु ख:सा कन्फरेन्सयात त्रिभुवन तुलाधर भाजु समन्वय यानादीगु खः । ज्याभवलय् डा. रोशन श्रेष्ठ सहजकर्ताया भूमिका निर्वाह यानादीगु खः ।

विश्व नेवा: तदर्थ समितिया सभापतिइ संयुक्त राज्य अमेरिकाय् च्वनादीम्ह दया शाक्ययात ल्य:गु ख:सा उपसभापतिइ संयुक्त राज्य अमेरिकाय् च्वनादीम्ह त्रिभुवन तुलाधर, जापानय् च्वनादीम्ह सुवर्ण वज्राचार्य व बेलायतय् च्वनादीम्ह डा. बालगोपाल श्रेष्ठ ल्य:गु खः । अथे हे दुजलय् आदित्यमान श्रेष्ठ (सं.रा. अमे-

रिका), विनोद साय्मि (सं.रा. अमेरिका), ध्रुव श्रेष्ठ (नेदरलैन्ड), गोविन्द श्रेष्ठ (क्यानाडा), कल्पना प्रधान (भारत), कृष्ण चखुं (बेलायत), प्रमोद श्रेष्ठ (यूएई), नारायण राजभण्डारी (सं.रा. अमेरिका), निलम प्रधानांग (अष्ट्रेलिया), प्रसन्न अमात्य (सं.रा. अमेरिका), प्रज्वलरत्न वज्राचार्य (सं.रा. अमेरिका), रविन्द्र प्रधान (बेल्जियम), रहेना वेस्टर (जर्मनी), रजनी प्रधान (बेल्जियम), राजिश श्रेष्ठ (सं.रा. अमेरिका), राजीव श्रेष्ठ (भारत), रिपेन्द्र अवाल (जापान), डा. रोशन श्रेष्ठ (सं.रा. अमेरिका), शशि महाजु (बेलायत), सिजन श्रेष्ठ (सं.रा. अमेरिका), सुभाषराम प्रजापति (सं.रा. अमेरिका), सुचित्र बहादुर श्रेष्ठ (सं.रा. अमेरिका) च्वनादीगु दु ।

थुगु वर्ल्ड नेवा: अर्गनाइजेशन नीस्वना पुच:



(तदर्थ कमिटी) गठन जुइधुंका: वर्ल्ड नेवा: अर्गनाइजेशनया निरिति दयेका त:गु खुम्हेसिया समन्वय पुच: निष्क्रिय जूगु दु । उगु खुम्हेसिया पुचलय् नाय: दयारत्न शाक्य, न्वकु डा. बाल गोपाल श्रेष्ठलिसे दुज:पिं त्रिभुवन तुलाधर, रहेना श्रेष्ठ वेस्टर, डा. रोशन श्रेष्ठ व विनोद साय्मि (आल) दुगु खः ।

न्हापांगु व निक्व:गु टेलिकन्फरेन्स ज:छि नेपालमण्डल डट कम हरेक दश दश मिनेटय् वेबसाइटय् लाइभ न्यूज अपडेट या:गु खः ।

नेवा: न्हयलुवातलिसे सहलह  
नेवा: जातिदुने वर्तमान इलय् दयाच्वंगु नेवा: ख्य:या मू समस्या व चुनौतिया अझ बांलाक ध्वाथुइकेगु व नेपा:या राज्य पुनर्सं-चनाय् नेवा: जातिया अधिकार सुनिश्चित यायेगु लागि मा:गु पला: ल्हवनेत वर्ल्ड नेवा: अर्गनाइजेशनं थीथी नेवा: न्हयलुवातलिसे इलय् ब्यलय् सहलह यायेगु ज्या जुल । स्काइपपाखें थीथी चरणय् क्वय् न्हयथना कथंया नेवा: न्हयलुवातलिसे सहलह जुइधुंका:गु दु :

- सेप्टेम्बर ११, २०१० :  
नरेश ताम्रकार, मल्ल के. सुन्दर : नेवा: देय् दब्या वर्तमान नाय: नरेश ताम्रकार व पुलांम्ह नाय: मल्ल के. सुन्दरलिसे जूगु सहलह मुँज्याय् नेवा: राज्य व थुकिया लागा विषयक सहलह जूगु खः । थुकी नेवा: आन्दोलन, नेवा: राज्य घोषणाया विषयय् लिपांगु जानकारी

कालविलया लिसें नेवा: राज्यया सीमाइकन सन्दर्भय् स्पष्ट विचा: सहित न्ह्या: वनेगु सहलह जूगु खः ।

- सेप्टेम्बर २५, २०१० :  
डा. केशवमान शाक्य : नेपा: राष्ट्रिय पार्टीया नाय: डा. केशवमान शाक्यलिसेया सहलह ज्याभवलय् नेपा: राष्ट्रिय पार्टी व थुगु पार्टीपाखें संविधान सभाय् नेवा:तय् प्रतिनिधि कथं भाया च्वनादीम्ह सभासद् बुद्ध साय्मिपाखें संविधान सभाय् नेवा:तय्पाखें स: ल्हवनेज्या जुयाच्वंगु प्रति विचा: कालविल जुल ।

- अक्टोबर १, २०१० :  
पद्मरत्न तुलाधर : मानव अधिकारवादी नेता व नेपालभाषा मंका: खल:या नाय: पद्म-रत्न तुलाधरलिसे नेवा: आन्दोलन, जनजाति

सहलह यानादीगु खः ।

सुगतरत्न कंसाकारप्रति चिउता:

भ्रष्टाचार या:गु द्रुपं बियात:म्ह नेपाल वायुसेवा निगमया निलम्बित कार्यकारी निर्देशक सुगतरत्न कंसाकारप्रति वर्ल्ड नेवा: अर्गनाइ-जेशनं वय्क: कंसाकारप्रति प्रत्यक्ष स्वापू तया: कन्फरेन्स कललिसे वास्तविकता सीकेगु निसें आवश्यक न्यायया लागि सहलह व प्रेस वक्तव्य पिथना: चिउता: प्वकल । अर्गनाइजेशनं छगू प्रेस वक्तव्य पिथना: न्यायाधीशपिं गौरीबहादुर कार्की, ओमप्रकाश मिश्र व केदारप्रसाद चालिसें निराधारा रूपं कंसाकारयात द्रुपं बिउगु व थज्या:गु गैरजिम्मेवारीपूर्ण ज्यां नेपाल वायुसेवा निगमया नेपाल भ्रमण वर्ष २०११ या लक्षित आज्जु पूमवनीगु न्हयथना: मखुगु द्रुपंया प्रेस वक्तव्य मार्फत विरोध यायेगु ज्या जुल ।

कंसाकार छम्हासित जक ६ करोड तकाया धरौटी फवनेगु व उगु हे सदस्य दलया मेपिं न्याम्हेसित म्हो जक धरौटीइ त्व:तेगु न्यायसंगत मज्जुलिं अर्गनाइजेशनं भत्सर्ना या:गु खः । सुगतरत्न कंसाकार पूर्णरूपं निर्दोष जूगु न्हयथंसें सम्बन्धित घटनाप्रति फयाफक्व याकनं स्वच्छ व निष्पक्ष छानविन याना: दोषीतय् कारवाही यायेमा:गु माग अर्गनाइजेशनं या:गु खः ।

विक्रम संवत् बारे हिलारी क्लिन्टनयात पौ वि.सं. २०६८ न्हूदँया लसताय् सं.रा. अमे-रिकाया सेक्रेटरी अफ स्टेट हिलारी क्लिन्टनं नेपाली न्हूदँ धका: भित्तुना बिउगुयात कया: विक्रम संवत्, नेपाल संवत् व थुकिया नेपा:लिसे स्वापुबारे मय्जु क्लिन्टनयात ध्वाथुइका: पौ छवयेगु ज्या जुल । थुगु पती विक्रम संवत् नेपा:या भूमिइ उत्पत्ति जूगु संवत् मज्जु, नेपा:या थ:गु हे संवत् नेपाल संवत् दुगुनिसें कया: नेपा:या बहुधार्मिक, बहुभाषिक स्थिति न्हयथना: नेपाली खँव:या विश्लेषण नं दुथ्याकेगु ज्या जूगु खः ।

यें महानगरपालिकाया आन्दोलनय् प्रहरी दमनप्रति विरोध

यें महानगरपालिकाय् स्वच्छ व समावेशी रोजगार अवसरया लागिं जूगु आदिवासी नेवा:तय् शान्तिपूर्ण प्रदर्शनय् प्रहरी दमन व निर्दयीता बारे वर्ल्ड नेवा: अर्गनाइजेशनपाखें प्रेस वक्तव्य पिथना: ध्यानाकर्षण या:गु दु । वक्तव्यय् देय्या संरक्षणय् प्रतिबद्ध नेपा:या सरकार व येँ महानगरपालिकाया मनोनित कार्यकारी प्रमुख अन्तर्गत प्रहरीपाखें नेपा:या आदिवासी नेवा:तय्प्रति जूगु अनुचित बर्बरताया घोर भत्सर्ना याना: ज्वनात:पिं सकलें कार्यकर्ता-तय् याकनं त्व:तेत माग नं या:गु खः । अथे हे राजनैतिक रूपं गैरलोकतान्त्रिक व सामाजिक रूपं अन्यायपूर्ण नीति व प्रहरी बलया प्रयोग तत्काल दिके मा:गुली व: बिउगु खः ।

नेवा: स्वायत्त राज्य मंका: संघर्ष समितिपाखें ल्हवंगु पला:प्रति ऐक्यवद्धता प्वकुसें सन् २००७ य् जूगु अपारदर्शी आंशिक परीक्षा खारेज याये-मा:गु माग अर्गनाइजेशनं या:गु खः । संघर्ष समितिपाखें न्हयव्य:गु न्यागू वुँदे मागप्रति संवेदनशील जुया: माग पूर्वकेत व केन्द्रीय व स्थानीय तहलय् दुगु भेदभावपूर्ण व्यवहार व नीति अविलम्ब खारेज यायेगु लिसें येँ मनपाया मनोनित प्रमुखयात फयाफक्व याकनं लिता (ल्यं घ पेजय्)

आन्दोलन व थीथी मानव अधिकारया सरोकार विषयय् सहलह जुल ।

राजेन्द्र श्रेष्ठ : नेवा: देय् गुथिया संरक्षक, पुलांम्ह मन्त्री व नेवा: न्हयलुवा: भाजु राजेन्द्र श्रेष्ठलिसे नेवा: राज्य, नेवा: राज्यया सीमा बारे सहलह जुल ।

नेपालभाषा परिषदया शिलालेखय् नेपालभाषा व नेपाल संवत् छय्येकेत पहल

भारतीय राजदूतावासया ग्वाहालिइ निर्माण जूगु नेपालभाषा परिषदय्या भवनया शिलालेख नेपालभाषां मतसे मेगु हे भाय् छय्य:गु सम्बन्धय् वर्ल्ड नेवा: अर्गनाइजेशनं ध्यान आकर्षण याना: भारतीय राजदूतायात पौ छवयेगु ज्या जुल । थ:गु जिक्का:छि नेपालभाषाया लागि पानावंम्ह चित्तधर हृदयं दान या:गु थुगु छँया शिलालेखय् हे नेपालभाषा दुथ्याके मफुगु विडम्बनाया खँ लिपा पिने नं न्यनेवं अन्तत: नेपालभाषा परिषदया शिलालेखय् नेपालभाषा व नेपाल संवत् नं दुथ्याकूगु खः ।

यूके नेवा: मुनाय् ब्वति  
सेप्टेम्बर ४, २०१०

पासा पुच: गुथि यूकेपाखें ग्वसा: ग्व:गु लण्डनय् जूगु निक्व:गु नेवा: मुनाय् वर्ल्ड नेवा: अर्गनाइजेशन तदर्थ समितिया नाय: भाजु दया शाक्यजु मूपाहां कथं ब्वति कयादिल । वय्कलं नेवा: मुनाय् ब्वति कायेगुया नापं अनया नेवा:तलिसे वर्ल्ड नेवा: अर्गनाइजेशन बारे



## अर्गनाइजेशनया गतिविधि.....

सःतेत व स्थानीय निर्वाचन याकनं न्ह्याकेत नं वक्तव्य मार्फत वर्ल्ड नेवाः अर्गनाइजेशनं माग याःगु खः ।

डा. डेभिड गेल्लरलिसे अन्तर्क्रिया  
जुन १९, २०११

नेवाः विशेषज्ञपलिसे सहलह यायेगु भ्वल्य नेवाः भाय् व संस्कृति सम्बन्धी विज्ञ नापं अक्सफर्ड विश्वविद्यालयय् सामाजिक मानवशास्त्रया प्रोफेसर डा. डेभिड गेल्लरलिसे नेवाः जाति वा भाषा विषयक सहलह यायेगु ज्या जुल ।

सहलह मुँज्या भवलय् वय्कलं यदि न्हूगु नेपालय् नेवाःतय् पोजिसन बल्लाकेगु खःसा राजनीतिइ स्वयां भाय् संरक्षणपाखे नेवाःतयसं ध्यान बीमाः धयादिल । वय्कलं स्वनिगः दुने चर्चापं ५० प्रतिशत नेवाःतय् छैय् न्हूगु पुस्तायात

नेवाः भाय् मस्यनेधुंकेगु खँ कनादिल । थः लिपांगु-खुसी नेपाः वनागु इलय् नेवाः मस्तय्त नेवाः भाय् स्यनेगु निरितिं स्यनेकृथि चायेकाः ज्या न्ह्याकाच्वंगु प्रति लसता प्चकादिसें थज्याःगु हे पहल जुयाच्वंसा न्हूगु पुस्ताय् नं नेवाः भाय्या बांलागु भविष्य दु धयादिल ।

अथेहे उगु इलय् कन्फरेन्स कलय् ब्वति काःपिसं संघीयताया बारे न्यंगु न्हयसलय् प्रोफेसर गेल्लरं यदि नेपालय् बांलाक संघीयता लागू जूसा थुगु व्यवस्था सफल जुइगु विश्वास प्चकादिल । तर वय्कलं संघीयता बांलाक नालेगु निरितिं होमवर्कया अभाव जुयाच्वंगु दु धयादिल । समाजशास्त्री गेल्लरं नेपाःया राजनीति पहिचाननाप स्वाना वंगु दु धयादिसें संघीयताया छूगु आधार पहिचान नं खः धयादिल । वय्कलं न्हूगु नेपालय् नेवाः व तामाडत छथाय् हे च्वनाः

छूगु तःधंगु प्रदेश दयेकेफुसा समग्र क्षेत्र व निगुलिं पक्षयात बांलाइगु बिचाः नं तयादिल ।

कन्फरेन्स कलय् भाजु गेल्लरं थीथी देशय् च्वनाचर्चापिं नेवाःतयसं न्यंगु न्हयसःया लिसः बियादीगु खः । अर्गनाइजेशन तदर्थ समितिया नायः दया शाक्यं लसकुस यानादीगु उगु ज्याभवलय् डा. बालगोपाल श्रेष्ठं सहजकर्ताया भूमिका म्हितादीगु खः ।

बिचाः हायेका

नेपालं पिने नेवाः एकता बलकेत महत्वपूर्ण योगदान बियाः थःगु जीवन पानादीमह दार्जिलिङया भाजु डिएन प्रधान मदुगु शोकय् वर्ल्ड नेवाः अर्गनाइजेशनपाखें बिचाः हायेकेगु ज्या जुल । हलिन्यकया नेवाःतय्त छगू थासय् हयाः छगू संगठन नीस्वनेगु ज्या नकर्तिनि न्ह्याःगु इलय् वय्कः मदुगु समस्त नेवाःतय्त हे क्षति जूगु खँ न्हयथनाः वर्ल्ड नेवाः अर्गनाइजेशनपाखें वय्कःया व्यक्तित्व व कृतित्व लुमंकेगु ज्या

जूगु खः ।

हलिं नेवाः तःमुँज्या

हलिमय् न्यकं नीस्वना तःगु खलः पुचः व नेवाः ज्याकमितय्त छथासं मुंकाः न्हू पुस्ताया नेवाःतय्त थःगु नेवाः म्हसीका गथे यानाः ल्यंका तयेगु धइगु बारे सहलह ब्याकेगु तातुनाः तजिक हलिं नेवाः तःमुँज्या ने.सं. ११३१ गुंलागाः १३ व १४ (अगष्ट २७, २८ २०११) शनिवाः व आइत-वाः बेलायतय् यायेगु क्वःजिउगु खः । विशेष कारणवश थुगु तःमुँज्या लिपा लिछ्यानाः ने.सं. ११३२ कछलाखः तृतीयानिसें पंचमि (अक्टोबर २९ निसें ३१) तक यायेगु क्वःजिउगु खः ।

थुगु न्हापांगु तःमुँज्या बेलायतया पासा पुचः गुथि यूकेलिसे मंकाः कथं ग्वसाः ग्वयेगु क्वःजिउगु खः । थुगु तःमुँज्याया लागि वर्ल्ड नेवाः अर्गनाइजेशन नीस्वना पुचःया दुजः व पासा पुचः गुथि यू.के. बोर्डया नायः भाजु कृष्ण चखुयात संयोजक कथं ल्ययेगु ज्या जूगु खः ।

## न्हापांगु हलिं नेवाः तःमुँज्या

# ऋऋः धार्येक क्वचायेमा

नेवाः अर्गनाइजेशन अफ  
अमेरिका  
सं. रा. अमेरिका

नेपाः पासा पुचः  
अमेरिकाय्  
सं. रा. अमेरिका

नेवाः नेपाः एसोशिएशन  
अफ डिएफडब्ल्यू  
टेक्सस, सं. रा. अमेरिका

नेपाः खलः  
क्यालिफोर्निया,  
सं. रा. अमेरिका

मीगु सः रेडियो ज्याइतः  
टेक्सस  
सं. रा. अमेरिका

डाब्स मण्डल  
ओरेगन  
सं. रा. अमेरिका

नृत्यमण्डल महाविहार  
ओरेगन  
सं. रा. अमेरिका

नेवाः अमेरिकन दबू  
सिकागो  
सं. रा. अमेरिका

न्यूयोर्क नेवाः गुथि  
न्यूयोर्क  
सं. रा. अमेरिका

करुणा देवी स्मारक  
धर्मार्थ गुथि  
सिक्किम, भारत

सिक्किम नेवाः गुथि  
सिक्किम  
भारत

क्यानाडियन  
नेवाः गुथि  
क्यानाडा

नेपाल अध्ययन केन्द्र  
जापान

गुथि अष्ट्रेलिया  
अष्ट्रेलिया

पासा पुचः  
बेल्जियम

नेवाः जागरण मञ्च  
स्पेन



नेवाः पुचः  
कोरिया

नेवाः देय् दबू  
नेपाः

